

10.03.2020թ.

ք. Երևան

**ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՈՐՈՇՈՒՄ թիվ 414913/03**

ՎԱՐՉԱԿԱՆ ՎԱՐՈՒՅԹԸ ԿԱՐՃԵԼՈՒ ՎԵՐԱԲԵՐՅԱԼ

Ես՝ ՀՀ պետական եկամուտների կոմիտեի իրավաբանական վարչության պետ Ա.Մնացականյանս, քննելով վարչական իրավախախտման վերաբերյալ թիվ 10562 գործը և ուսումնասիրելով վարչական իրավախախտման վերաբերյալ 10.03.2020 թվականի թիվ 10562 արձանագրությունը,

ՊԱՐԶԵՑԻ

Անհատ ձեռնարկատեր Լիլիթ Մարկոսյանը (ՀՎՀՀ՝ 40024889) ՀՀ Կառավարության 28.06.2018թ-ի 737-Ն որոշման 8-րդ կետով սահմանված ժամկետում չի ներկայացրել **2019 թվականի դեկտեմբեր ամսին ՀՀ պետական սահմանով տեղափոխված ապրանքների վերաբերյալ վիճակագրական ձևերը**: Նկարագրված արարքի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169²-րդ հոդվածով:

Կողմը պատշաճ ծանուցված լինելով արձանագրության կազմման, գործի քննության վայրի և ժամանակի մասին չի ներկայացրել, սակայն ներկայացրել է դիմում առ այն, որ 2019թ-ի դեկտեմբեր ամսվա ՀՀ պետական սահմանով տեղափոխված ապրանքների վերաբերյալ վիճակագրական ձևը սահմանված ժամկետից ուշ է ներկայացվել տեղի ունեցած տեխնիկական խնդրի պատճառով, այն է որ համակարգը չի ընդունել իր կողմից լրացված հաշվետվությունը, քանի որ գրանցման պահին իր և ՊԵԿ աշխատակցի անուշադրության պատճառով գրանցվելիս նշվել են ոչ թե իր՝ որպես անհատ ձեռնարկատերի տվյալները, այլ իր անձնական (անձնագրային) տվյալները: Ինպես նաև խնդրել է հաշվի առնել այն հանգամանքը, որ անհատ ձեռնարկատերը նոր է սկսել իր գործունեությունը և իրավախախտումը թույլ է տվել առաջին անգամ, ուստի վարչական պատասխանատվության չենթարկել:

Վարույթի շրջանակներում հայտնի է դարձել, որ Ա/Ձ Լիլիթ Մարկոսյանը 2019 թվականի դեկտեմբեր ամսին կատարել է ընդամենը 1 (մեկ) գործարք, որի վերաբերյալ համապատասխան վիճակագրական ձևը ներկայացրել է 14.01.2020թ-ին:

Արարքի համար պատասխանատվություն է նախատեսված Վարչական իրավախախտումների վերաբերյալ ՀՀ օրենսգրքի 169² հոդվածով, սակայն հաշվի առնելով վերոգրյալը և այն որ արարքը ունի նվազ նշանակություն, ուստի ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 244², 281 հոդվածներով և 282 հոդվածի 2-րդ մասով և 21 հոդվածով՝

ՈՐՈՇԵՑԻ

1. Համաձայն Վարչական իրավախախտումների վերաբերյալ ՀՀ օրենսգրքի 21 հոդվածի, Լիլիթ Մարկոսյանին ազատել վարչական պատասխանատվությունից՝ հայտարարելով բանավոր դիտողություն:
2. Վարչական իրավախախտումների վերաբերյալ ՀՀ օրենսգրքի 282 հոդվածի 1-ին մասի 2-րդ կետով Լիլիթ Մարկոսյանի նկատմամբ հարուցված վարույթը կարգել:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Ա.ՄՆԱՑԱԿԱՆՅԱՆ

